



Broj: 09-41-1581/18  
Vogošća, 03.10.2018. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 03.10.2018. godine donio je

**ODLUKU  
O PONIŠTENJU POSTUPKA JAVNE NABAVKE RADOVA NA IZGRADNJI SPOMEN  
OBILJEŽJA I REKONSTRUKCIJI POSTOJEĆIH SPOMEN OBILJEŽJA ŠEHIDIMA I  
POGINULIM BORGIMA NA PODRUČJU OPĆINE VOGOŠĆA**

**Član 1.**

Poništava se postupak javne nabavke po Konkurentskom zahtjevu za dostavu ponuda za izvođenje radova na izgradnji spomen obilježja i rekonstrukciji postojećih spomen obilježja šehidima i poginulim borcima na području općine Vogošća broj: 09-41-1581/18, jer primljena ponuda nije prihvatljiva.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

**OBRAZLOŽENJE**

Općinski načelnik je dana 18.09.2018. godine donio Odluku o pokretanju postupka Konkurentskog zahtjeva za dostavu ponuda za izvođenje radova na izgradnji spomen obilježja i rekonstrukciji postojećih spomen obilježja šehidima i poginulim borcima na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 20.09.2018. godine pod brojem: 1353-7-3-108-3-64/18.

Tendersku dokumentaciju sa Portala javnih nabavki BiH je preuzelo 6 (šest) ponuđača. Krajnji rok za prijem ponuda je bio 01.10.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 01.10.2018. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda, i to ponuđača "Geomax" d.o.o. Tešanj, broj int. knjige 247/18, sa ponuđenom ukupnom cijenom nabavke u iznosu od 51.153,30 KM bez uračunatog PDV-a (cijena sa uračunatim popustom od 10 %).

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji broj: 09-41-1581/18 iz septembra 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila sljedeće:  
Ponuda ponuđača "Geomax" d.o.o. Tešanj, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova.  
Tačkom 7.4.2. pod b) TD je traženo da ponuđač u svrhu dokazivanja ispunjavanja uslova iz tačke 7.4.1. pod b) TD treba dostaviti Izjavu na obrascu ponuđača da ima u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženom inventurnom listom ili ugovorom o najmu shodno tački 7.4.1 pod b) TD.  
Tačkom 7.4.2. pod b) TD je također propisano da je ponuđač kao dokaz za rovokopač iz tačke 7.4.1. pod b) stavka 1. dužan dostaviti važeću saobraćajnu dozvolu/potvrdu o registraciji ili važeću upotrebnu dozvolu.

Ponuđač "Geomax" d.o.o. Tešanj je u svojoj Ponudi propustio da dostavi traženu inventurnu listu ili ugovor o najmu shodno tački 7.4.1 pod b) TD.

Također, Ponuđač "Geomax" d.o.o. Tešanj je u svojoj Ponudi (strana 55. Ponude) kao dokaz za traženi rovokopač iz tačke 7.4.1. pod b) stavka 1. dostavio ovjerenu kopiju Ugovora o posredništvu u trgovini motornim vozilima broj: 09899 od 03.05.2017. godine.

Komisija za javne nabavke smatra da dostavljanjem prethodno pomenutog Ugovora kao dokaza nije ispunjen uslov zahtjevan tačkom 7.4.2. pod b) TD, jer je istom tačkom jasno traženo da je kao dokaz za rovokopač iz tačke 7.4.1. pod b) stavka 1. potrebno dostaviti važeću saobraćajnu dozvolu/potvrdu o registraciji ili važeću upotrebnu dozvolu.


Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, a postupajući u skladu sa odredbama člana 68. Zakona o javnim nabavkama BiH, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova na izgradnji spomen obilježja i rekonstrukciji postojećih spomen obilježja šehidima i poginulim borcima na području općine Vogošća, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Geomax" d.o.o. Tešanj
2. Nadležnoj Službi
3. U dosije
4. a/a

OPĆINSKI NAČELNIK  
  
Edin Smajić